

四庫全書

史部

欽定四庫全書

尚史卷一百四

志十二

鑲白旗漢軍李銍撰

田賦志

昔者神農氏斲木為耜，揉木為耒，始教耕。民知一母百子之利，乃粒食土生食。食生民王者寶土生民寶食，蓋不可一日離矣。及禹為司空，任土作貢，棄為稷，播百穀。馴至于周，作平土之制，任三壤，班五土，火變水行而井。

田立限法昭然備矣蓋賦取乎下田操乎上授受有節
公私有程鄉閭州黨勤董督之是以野無廢土國無游
民公田稼不善則罪民私田稼不善則罪吏興利除害
民用以給是治之有道也暴秦墮則令民得自占田夫
然後大權逆移縱弛以逞董子所謂富者連阡陌貧者
無立錫如此而求治譬廢楫以濟川必無繇矣夫春秋
之法諸侯不得專封大夫不得專地與臺臧獲舉有執
馬何以為治百一而賦祇益淫氓而已撫拾舊規述田

賦志

井田之制莫攷其所始洎商畧得其詳然少康逃奔有
虞有田一成有衆一旅成為六十四井之甸豈夏時已
有其制與商之為制以六百三十畝之地畫為九區區
七十畝中為公田公田之中以十四畝為廬舍其外八
家各授一區但借其力以助耕公田一夫實耕公田七
畝周時方里而井井九百畝其中為公田公田之中以
二十畝為廬舍八家皆耕百畝同養公田一夫實耕公

田十畝

按王制古者以周尺八尺為步今以周尺六尺四寸為步是周尺每步少古尺一尺六寸則畝少百六十尺百畝少萬六千尺以六尺四寸而一得二千五百步為二十五畝以商之七十畝加二十五畝得九十五畝是每井裁少周五畝

以小司徒經土地而井牧其田野九夫為井四井為邑四邑為邱四邱為甸四甸為縣四縣為都

周禮

所謂九夫為井者井方一里九夫所治之田也四井為

邑方二里四邑為邱方四里四邱為甸方八里旁加一

里則方十里為一成積百井九百夫其中六十四井

甸方

八里八八開方之得六十四井此正田之數

五百七十六夫

井九夫積五百七十六夫此正

農之數

出田稅三十六井

此一甸旁加一里之數

三百二十四夫治

洫四甸為縣方二十里四縣為都方四十里四都方八

十里旁加十里乃得方百里為一同也積萬井九萬夫

其四千九十六井

同方六十四里開方之得四千九十六井此正田之數

三萬六

千八百六十四夫

此正農之數

出田稅二千三百四井

同實方六

十四里旁加十六里乃得方八十里此旁加十六里之數

二萬七百三十六夫治湫

三千六百井

同方八十里旁加二十里乃得方百里此旁加二十里之數

三萬二千

四百夫治澮井田之法備于一同

賈公彥疏四都方八十里開方之為六千四百井就

裏除四千九十六井餘二千三百四井井有九夫為

二萬七百三十六夫不出稅使之治湫四成為縣縣

方二十里更加五里方二十五里四縣是小都五十

里四都方百里一同開方之為萬井就內除六千四百井餘三千六百井井有九夫為三萬二千四百夫不出稅使之治澮

司馬法曰六尺為步步百為畝

漢時二百四十步為畝是古百二十畝當漢五

十畝百為夫夫三為屋屋三為井井十為通通十為成

成百井十成為終終千井十終為同同方百里萬井

鄭玄

注井十為通成十為終者橫以十貫而為長通十為成終十為同者縱以十聯而為方也此與周官以四邊加之法箋此都鄙井田之法所謂八家同井者也

各不同

案井田之制周官文明甚鄭氏引司馬法一同方百里萬井之說而設旁加之法夫一甸既已旁加一里矣合為一同又旁加十里遂使一同之中正田裁四千九十六井正農裁三萬六千八百六十四夫治田出稅而旁加之田且至五千九百四井人至五萬三千一百三十六夫不出稅而治洫與澮是旁加之田反溢于公田而旁加之夫反溢于正夫矣周之本制未必若是也攷大司徒不易之地家百畝一易之地

家二百畝再易之地家三百畝又有餘夫口受田二十五畝凡此諸田不附一井之旁將安從取給哉夫萊田者歲更月易必不能越井而耕也餘夫者一戶之子第必不能別宅而居也鄭氏謂六鄉以九等受地皆以一夫為計其地則盡餘夫無地可受並出耕遂地之中百里之外其于事理有必不可者又若司馬法之井十為通通為匹馬三十家士一人徒二人此蓋三分取一爾而賈疏云井有九夫十井為九十夫

之地官室塗巷三分去一唯有六十夫地在不易一
易再易通率三夫受六夫之地三十夫受六十夫之
地唯三十家使出馬一匹士一人徒二人此亦度一
井九百畝之中當有餘畝以補萊田遂乃減夫以求
其合是一井名為九夫而實則六夫矣夫求合百里
萬井之說而設旁加求合一通三十家之說而減正
夫牽率調停均非通論也今畫井定方用附餘田意
之所擬理或然爾一井正田之外當附餘田五百六

畝二分有半一邑合計餘田二千二十五畝一邱合
計餘田八千一百畝一甸合計餘田三萬二千四百
畝開方之四周各一里三十六井得甸方十里百井
矣一縣合計餘田十二萬九千六百畝開方之四周
各二里一百四十四井得縣方二十里四百井矣一
都合計餘田五十一萬八千四百畝開方之四周各
四里五百七十六井得都方四十里一千六百井矣
一同今計餘田二百七萬三千六百畝開方之四周

各八里二千三百四井得同方八十里六千四百井
矣再加餘田三百二十四萬畝開方之四周又十里
三千六百井得同方百里萬井矣田不外授農不越
井平土之制蓋不外此乎

附圖
于後

遂人掌邦之野以土地之圖經田野造縣鄙形體之法
五家為鄰五鄰為里四里為鄣五鄣為鄙五鄙為縣五
縣為遂皆有地域溝樹之凡治野夫間有遂遂上有徑
十夫有溝溝上有畛百夫有洫洫上有涂千夫有澮澮

上有道萬夫有川川上有路以達于畿

周禮

十夫二鄰之田百夫一鄣之田千夫二鄙之田萬夫四縣之田遂溝洫澮皆所以通水于川也遂廣深各二尺溝倍之洫倍溝澮廣二尋深二仞徑畛涂道路皆所以通車徒于國都也徑容牛馬畛容大車涂容乘車一軌道容二軌路容三軌都之野涂與環涂同可也

諸侯環涂五軌

其野涂與都環涂皆三軌

萬夫者方三十三里少半里

賈疏從西北隅北畔至東頭有十洫一洫百夫十洫

千夫千夫萬步萬步自三十三里餘百步是少半里
以九澮總而言之則萬夫矣

九而方一同以南畝圖之則遂縱溝橫洫縱澮橫九澮
而川周其外焉

康成注

賈疏按詩有今適南畝故以南畝圖之其田南北細
分者是以行隔為一夫十夫則于首為橫溝十溝即
百夫于東畔為南北之洫十洫則于南畔為橫澮九
澮則于四畔為大川此川人造廣深蓋倍澮此川與

匠人澮水所注川者異彼百里之間一川謂大川也

此鄉遂溝洫之法所謂十夫有溝者也

賈疏此與井田異制以九而方一同則百里之內九
九八十一澮為井田則一同為一澮既溝澮稀稠不
同又溝澮法以為貢子就夫稅之十一而貢井田則
九夫為井井稅一夫美惡取于此不稅民之所自治
是溝洫井田異也

匠人為溝洫耜廣五寸二耜為耦一耦之伐廣尺深尺

謂之畝

鄭注古者耜一金兩人併發之其壟中曰畝畝上曰
伐伐之言發也畝畝也今之耜岐頭兩金象古之耜
也漢書石稷始畝田以二耜為耦畝長終畝一畝三
畝一夫三百畝而播種于畝中苗生葉以上稍耨隴
草因隤其土以附苗根比隴盡根深而能風與旱也
田首倍之廣二尺深二尺謂之遂九夫為井井間廣四
尺深四尺謂之溝方十里為成成間廣八尺深八尺謂

之渚方百里為同同間廣二尋深二仞謂之澮專達于

川各載其名凡天下之地執兩山之間必有川焉大川

之上必有涂焉

考工記 此是自然之川與
九澮而川周其外之川異

此畿內采地之制異于鄉遂及公邑采地者在三百里四百

里五百里之中畿內用夏之貢法邦國用殷之助法

康成注

地有九等上中下各有三等也又別有三等謂不易一

易再易之地也食人有九等自二人至十人亦各有三

等也

下地食二人三人四人中地食五人六人七人
上地食八人九人十人各有三等

康成注

大司徒造都鄙制其地域而封溝之以其室數制之不易

之地家百晦一易之地家二百晦再易之地家三百晦

周禮

都鄙王子弟公卿大夫采地也

采地者公在大都卿在小都大夫在家邑其親

王子母弟與公同在大都次疏者與卿同在小都次更疏者與大夫同在家邑

不易之地歲種

之地美故家百晦一易之地休一歲乃復種地薄故家

二百晦再易之地休二歲乃復種故家三百晦

康成注

遂人掌六遂之地辨其野之土上地中地下地以頒田

里上地夫一廛

廛百晦之宅

田百晦菜五十晦

菜謂休不耕者

餘夫

亦如之中地夫一廛田百畝萊百畝餘夫亦如下地

夫一廛田百畝萊二百畝餘夫亦如之

周禮

鄭司農云戶計一夫一婦而賦之田其一户有數口者

餘夫亦受此田也

康成注

賈疏餘夫年二十九以下未有妻受口田二十五畝

若三十有妻則受夫田百畝

士工商家受田五口乃當農夫一人此謂平土可以為

法者若山林藪澤原陵淳鹵之地各以肥磽多少為差

民年二十受田六十歸田七十以上上所養也十歲以上上所長也十一歲以上上所強也

漢志

若王制所謂百畝之分上農夫食九人其次食八人其次食六人下農夫食五人則又以人之勤惰為言不在受田之限也

案內則云三十受田給征役鄉大夫註有夫有婦乃成家何休云一夫一婦受井田百畝并與鄭說合而朱子集註云一夫上父母下妻子以五口八口為率

受田百畝如有弟是餘夫年十六別受二十五畝俟其壯而有室然後受百畝之田常制之外又有餘夫之田以厚野人也此說為獨得然有未盡者夫地有九等戶亦如之論其中者經有上地家七人中地家六人下地家五人之文是一夫上父母下妻子旁兄弟謂之家其七六五人之外又有弟年十六以上乃受餘夫田二十五畝如有數弟則各受餘夫之田以養其妻子逮至夫與弟各生子則身又為父其冢子

為夫次子為餘夫夫之冢子受原田弟之冢子受百
畝之田所謂餘夫亦如是也若如衆說一夫一婦
與七六五人同受百畝顯與經倍而制且不均矣

堯平水土為九州九州之地凡二千四百三十萬八千
二十四頃定墾者九百二十萬八千二十四頃不墾者
千五百一十萬民口千三百五十五萬三千九百二十
三人至于塗山之會諸侯執玉帛有萬國四海之內東
西二萬八千里南北二萬六千里出水者八千里受水

者八千里男女耕織不奪其時故公家有三十年之積
私家有九年之儲逮湯受命其能存者三千餘國方于
塗山十損其七民離毒政將亦如之至周克商制五等
之封凡千七百七十三國又減湯時千三百矣民衆之
損將亦如之及周公相成王致治刑錯民口千三百七
十一萬四千九百二十三人多禹十六萬一千人至莊
王之十三年五千里內非天王九嬪之御自世子公侯
以下至于庶民凡千一百八十四萬七千人除有土老

疾定受田者九百萬四千人其後諸侯相并當春秋時尚有千二百國至于戰國存者十餘然考蘇張之說計秦及山東六國戎卒尚存五百餘萬推此尚當千餘萬

人

帝王
世紀

賦者上之所取也後者下之所供也然皆因地制賦因民定後賦貴薄征役取下劑過則毒民太古尚矣至禹任土作貢始別九州田辨九等賦亦如之冀州厥土惟白壤厥賦惟上上錯

賦第一等而錯出第二等

厥田惟中中兗州厥

土黑墳厥田惟中下厥賦貞

賦第九等貞正也以薄賦為正也

青州厥

土白墳海濱廣斥厥田惟上下厥賦中上徐州厥土赤

埴墳厥田惟上中厥賦中中揚州厥土惟塗泥厥田惟

下下厥賦下上上錯

賦第七等雜出第六等

荊州厥土惟塗泥厥

田惟下中厥賦上下豫州厥土惟壤下土墳壚厥田惟

中上厥賦錯上中

賦第二等雜出第一等

梁州厥土青黎厥田惟

下上厥賦下中三錯

賦第八等雜出第七第九等

雍州厥土惟黃壤

厥田惟上上厥賦中下

孔氏曰田下而賦上者人功脩也田上而賦下者人功少也

五百里甸服

畿內之地去王城四面各五百里

百里賦納總

禾木全曰總

二

百里納鉅

刈禾曰鉅半藁也

三百里納秸服

半藁去皮曰秸服者三百里內去王

城為近非惟納總鉅秸又使之服輸將之事也

四百里粟五百里米

尚書

夏制當亦如此而其詳與商制皆莫可得聞孟子云夏

后氏五十而貢

一夫受田五十畷每夫計其五畷之入以為貢

殷人七十而助

殷始為井田之制畫地為九區區七十畷中為公田八家各授一區但借其力以助耕公田

周人百

畷而徹

周時一夫授田百畷鄉遂用貢法十夫有溝都鄙用助法八家同井耕則同力而作收則計畷

而分故謂之徹

其實皆什一也龍子曰治地莫善于助莫不善

于貢貢者較數歲之中以為常樂歲粒米狼戾多取之而不為虐則寡取之凶年糞其田而不足則必取盈焉詩云雨我公田遂及我私由此觀之雖周亦助也周之賦有二都鄙用助法鄉遂用貢法其小司徒井牧其田野九夫為井四井為邑四邑為邱四邱為甸四甸為縣四縣為都此都鄙井田而用助法者也其大司徒建邦國以土圭土其地而制其域諸公之地封疆方五百里其食者半諸侯之地封疆方四百里其食者參之一諸

伯之地封疆方三百里其食者參之一諸子之地封疆

方二百里其食者四之一諸男之地封疆方百里其食

者四之一

公之地自食其半半貢入天子侯伯之地三之一貢入天子子男之地四之一貢入天子

載師掌任土之法以物地事授地職而待其政令以廬

里任國中之地

廬里若今邑里廬民居之區域里居也

以場圃任園地

園樹

果蕨之屬季秋于中為場圃謂之園

以宅田士田賈田任近郊之地

宅田

致仕者之家所受田士贖為仕仕者亦受田所謂圭田也賈田在市賈人其家所受田

以官田牛

田賞田牧田任遠郊之地

官田庶人在官者其家所受田牛田牧田畜牧者之家所

受田賞田以公邑之田任甸地公邑六遂餘地天子使大夫治之以家

邑之田任稍地家邑大夫采地以小都之田任縣地小都卿之采地以

大都之田任甸地大都公之采地王子弟所食邑五百里王畿界也凡任地國

宅無征園廩二十而一近郊十一遠郊二十而三輕近而重

遠者近多役也園廩亦輕之者廩無穀園少利也甸稍縣都皆無過十二唯其

漆林之征二十而五漆林之稅特重以其自然所生非人力所作也凡宅不毛

者有里布不樹桑麻罰以里二十五家之泉凡田不耕者出屋粟罰以三家

之凡民無職事者出夫家之征夫稅者百畝之稅家稅者出土徒車輦給繇後

以時徵其賦此鄉遂公邑而用貢法者也其小司徒均土地以稽其人民而周知其數上地家七人可任也者

家三人

給地有九等此據中地三等而言中地之上所養者七人七人之中一人為家長餘六人在強

弱半強而可任使者家三人

中地家六人可任也者二家五人下地

家五人可任也者家二人凡起徒役毋過家一人以其

餘為羨唯田與追胥竭作

田田獵追追寇賊也

其大司馬令賦以

地與民制之上地食者參之二其民可用者家三人中地食者半其民可用者二家五人下地食者參之一其

民可用者家二人

周禮賦給軍用者令
邦國之賦制如六遂

此則鄉遂邦國役民之制也至周東遷其法滋壞而魯

宣公十五年初稅晦公羊傳曰譏履晦而稅也古者什

一而藉

謂藉民力
耕公田

過于什一大桀小桀減于什一大貉

小貉什一者天下之中正也成公元年作邱甲杜預注

曰邱十六井出戎馬一匹牛三頭甸六十四井出長轂

一乘戎馬四匹牛十二頭甲士三人步卒七十二人

與司

馬法

此甸所賦魯使邱出之譏重斂

詳見
兵志

哀公十二年

用田賦公羊傳曰田者一井之田賦者斂取其財也若
今斂民錢以田為率矣禮稅民公田不過什一軍賦十
井不過一乘哀公空盡國儲用田賦過什一而左氏傳
曰季孫欲以田賦使冉有訪諸仲尼仲尼不對而私于
冉有曰君子之行也度于禮施取于厚事取其中斂從
其薄如是則以邱亦足矣

邱出戎馬一匹牛
三頭是賦之常法

若不度于

禮而貪冒無厭則雖以田賦又將不足哀公問于有若
曰年饑用不足如之何對曰盍徹乎公曰二吾猶不足

如之何其徹也由此觀之周之末季徹法不行賦嘗什
二矣至秦孝公十二年初為賦用商鞅法以三晉地狹
人貧秦地廣人寡于是誘三晉之人利其田地復三代
無知兵事廢井田開阡陌任其所耕不限多少既而無
所稽攷則舍地而稅人洎始皇三十一年始使黔首自
實田田租口賦鹽鐵之利二十倍于官或耕豪民之田
則見稅十五十分以五輸田主于是乎井田什一之賦絕不復
行而民力日困矣若夫太宰以九賦斂財賄所謂邦中

之賦

在城郭者

四郊之賦

去國百里

郊甸之賦

邦甸百里

二家削之賦

家削三百里

邦縣之賦

邦縣四百里

邦都之賦

邦都五百里此平民也

關市

之賦山澤之賦

關市山澤謂占會百物

幣餘之賦


幣餘謂占賣國中之一幣皆末

作當增賦者

此則計民口率出泉異乎田野之稅也

井田圖

井方一里 正田九百畝



鄭氏以甸方十里百井同
方百里萬井求其數而不
得故設為旁加之法以旁
加之夫為治洫治澮說誤


正農九夫

餘田五百六畝二分有半

增入餘田
以代旁加

四井為邑方二里


正田二千六百畝



正農三十六夫

餘田二千二十五畝

四邑為丘方四里十六井



正田一萬四千四百畝


正農一百四十四夫

餘田八千一百畝

四丘為甸方八里六十四井

正田五萬七千六百畝

正農五百七十六夫



餘田三萬二千四百畝以餘
田開方之四周各一里得甸
方十里百井

鄭氏旁加法四周各加

一里餘三十一井三百


二十四夫治洫併前數

為百井九百夫

四甸為縣方十六里二百五十六井

正田二十三萬四百畝

正農二千三百四夫



餘田十二萬九千六百畝以
餘田開方之四周各二里得
縣方二十里四百井

鄭氏旁加法縣方二

十里

實十六里每甸旁加一里得今


數又曰更加五里方

二十五里

此于縣內旁加則都

方五十里同方百里同之內更不復旁加

四縣為都方三十二里一千二十四井
正田九十萬三千六百畝 正農九千三十六夫




餘田五十一萬八千四百畝開方之四周各四里得
都方四十里一千六百井

四都為同方六十四里四千九十六井

正田三百六十八萬六千四百畝 正農三萬六千六百六十八

餘田二百七萬三千六百畝開方之四周各八里得同方八十里再加
餘田三百二十四萬畝開方之四周各十里得同方百里萬井



鄭氏旁加法四都方八十里

實六十四里旁加十六里得全數

為六千四百井就裏除四千九十

六井

此方六十四里之井

餘二千三百四井

此旁加十六里之井

二萬七百三十六夫治洹縣方二

十里更加五里四縣是小都五十里四都為一同方百里萬井就裏除六


千四百井

此方八十

餘三千六百井

此旁加二十里之井

三萬二千四百夫治澮



司馬法井田圖

井為三屋




夫三為屋

井十為通

成十為
終如之



通 十 成 井 終 十 為 同 如 之



以十進加于法為簡

尚史卷一百四

欽定四庫全書

史部
尚史卷一百五十五

侍郎_臣劉躍雲覆勘

總校官檢討_臣何思鈞

欽定四庫全書

尚史卷一百五

志十三

鑲白旗漢軍李銍撰

氏族志

渾噩之初人以類從而已氏族之建始肇中古夏書曰
錫土姓傳曰天子建德因生以賜姓胙之土而命之氏
又曰保姓立氏以守宗祊是姓因其本而氏蒙其支先
王之制也故氏族氏官氏謚氏王父字者有之而姓則

無倍焉洎乎周末荒厥舊宗氏章姓湮邈焉為一史遷
之書曰姓某氏蓋久已失其原矣今纂前緒用析厥初
其有人承本系于傳無收者如魯之展瑕展玉父之于
展氏晉之先蔑先僕之于
先氏並附著之述氏族志
之屬

黃帝

黃帝姬姓也

史記姓
公孫

長于姬水受國于有熊居軒轅之

邱因以為名又以為號

帝王世紀
傳號帝鴻氏

左

黃帝二十五子曰昌意玄囂苗龍休青陽揮夷鼓倉林禹陽

外紀

青陽方雷氏之甥也夷鼓彤魚氏之甥也青陽與夷鼓
皆為己姓青陽與倉林同于黃帝又皆為姬姓其同生
而異姓者四母三子別為十二姓凡黃帝之子二十五
宗其得姓者十四人為十二姓十四人而二人為己姬
二人為姬故十二姓
酉祁已滕葸任荀僖姑僕依是也國語

一說黃帝娶雷祖生昌意昌意降處若水生韓流韓流
取淖子曰阿女生帝顓頊黃帝生駱明駱明生白馬白
馬是為鯀

世本黃帝娶于西陵氏謂之累祖產青陽及昌意昌
意生顓頊顓頊生鯀郭璞注諸言生者多謂其苗裔
未必是親所產 此說殊是黃帝一再傳不得與堯

舜同時

黃帝生禹號禹號生禹京

即禹疆

禹京處北海禹號處南

海禹號子有儋耳之國任姓黃帝生苗龍苗龍生融吾
融吾生美明美明生白犬是為犬戎黃帝之孫曰始均

始均生北狄

山海經

周時祝與南燕並黃帝後為姞姓

少皞

少皞黃帝子青陽之子孫曰金天氏

漢書

邑于窮桑又謂之窮桑氏

帝王世紀

王嘉拾遺記少皞主西方號金天氏亦曰金窮氏時

有五鳳集于庭因曰鳳鳥氏亦曰桑邱氏金鳴于山

銀湧于地如龜蛇龍鳳故有龍山龜山鳳水之目亦

因以為姓末代為龍邱氏蛇邱氏

少皞生倍伐倍伐降處緡淵又生般又生魚山人一目

威姓

山海經

少皞氏之後有南正重事顓頊重之後為義

國語

又有裔子曰昧為玄冥師生允格臺駘顓頊封諸汾川

沈姒蓀黃實守其祀

左傳

武王克商封其後茲興于莒

大紀

郊亦其後為己姓

顓頊

顓頊黃帝子昌意之裔母曰景僕蜀山氏之女顓頊號

高陽氏

帝王世紀 大戴記昌僕氏產顓頊

顓頊生老童老童生重黎

世本老童娶于根水氏謂之驕福生重及黎國語高陽氏之後為北正黎黎之後為和晉書重黎為夏官祝融歷唐虞夏商世序其職及周以夏官為司馬其後程伯休父克平徐方錫以官族因而為氏

及吳同吳同生陸終陸終娶于鬼方氏生六子一曰樊

是為昆吾

韋昭注昆吾為夏伯夏哀遷于舊許

二曰惠連是為參胡三曰

錢是為彭祖四曰萊言是為云鄒人五曰安是為曹姓

六曰季連是為芊姓昆吾衛氏也參胡韓氏也彭祖彭

氏也云鄒人鄭氏也曹姓邾氏也季連楚氏也

大戴記

史記顓頊生窮蟬又生稱稱生卷章按卷章即老童之訛而多窮蟬及稱

一說顓頊生老童老童生祝融祝融生長琴是處搖山始作樂風顓頊又生伯服又生驩頭驩頭生苗民苗民

釐姓顓頊之子又有叔士又有季禹之國叔獸之國中

輻之國

山海經

又有蒼舒隤鼓檮戡大臨龍降庭堅仲容叔達亦高陽

氏之後謂之八愷

左傳杜預注即垂益禹皋陶之倫說誤

帝嚳

帝嚳者黃帝之子玄囂之裔

帝王世紀

大戴記黃帝生玄囂玄囂生嶠極嶠極生高辛天下

號曰高辛氏

號曰高辛氏帝嚳生中容生季釐生晏龍晏龍是始為
琴瑟晏龍生司幽帝嚳又生后稷稷弟台鬻生叔均叔
均是始作牛耕帝嚳又生禹號禹號生涇梁涇梁生番
禹番禹是始為舟番禹生奚仲奚仲生吉光吉光是始
以木為車帝嚳又生帝鴻帝鴻生白民白民銷姓又生

黑齒姜姓

山海經

經于帝嚳皆作帝俊以帝俊生后稷準之帝俊當是
帝嚳也然有帝俊妻娥皇生三身姚姓之文故郭璞

注曰俊亦舜字假借音直以帝俊為帝舜夫諸書並
以后稷為帝嚳之子未聞為帝舜之子且經于帝舜
生戲帝舜生無淫又皆曰舜是俊舜自有別矣蓋帝俊
妻娥皇生三身當是帝舜之謠郭注由此而誤耳今
改定

帝嚳之後曰摯嗣摯立者曰放勳

世本帝嚳元妃有邠氏之女曰姜嫄生后稷次妃有
娥氏之女曰簡狄生契次妃陳鄴氏之女曰慶都生

堯次妃訾皐氏之女曰常儀生帝摯大戴記帝嚳產放勳是為帝堯史記嚳子摯代立摯不善崩弟放勳立按春秋命厯序帝嚳傳十世緯書殊不足信要之摯為高辛之後非其子也詳見世系圖說

又有關伯實沈高辛氏之二子也關伯主辰實沈主參關伯為陶唐氏之火正又有伯奮仲堪叔獻季仲伯虎仲熊叔豹季狸亦高辛氏之裔也謂之八元

左傳杜預注即稷契

朱虎熊

巽說誤

唐祁姓

帝堯陶唐氏祁姓也堯娶散宜氏之女曰女皇生丹朱

帝王世紀

又有男九人使與舜處九男皆益篤

史記

舜受禪使丹朱居丹淵為諸侯

尚書逸篇

武王克商封帝堯之後于蓁

大紀

虞姚姓

帝舜有虞氏姚姓也堯妻舜二女娥皇無子女英生商

均帝王世紀大戴記舜娶
帝堯之女謂之女匿氏

一說娥皇生三身之國姚姓三身生義均義均是始為

巧帝舜又生戲戲生搖民又生無淫降載處是為無載

民盼姓山海經山海經舜妻登比氏
生宵明燭光二女又曰登北氏

夏后相時有虞思妻少康以二姚而邑諸綸遂復夏祀

其後又有劉累學擾龍事孔甲劉累後為杜伯在夏為

御龍氏在商為豕韋氏

左傳

豕韋國于唐周成王滅唐遷之于杜

杜預注

其後隰叔違周難于晉為范氏

國語

武王克殷封胡公滿于陳為媯氏

大紀

遂亦媯氏為齊所滅

夏姁姓

伯禹夏后氏姁姓也父鯀顓頊五世孫鯀娶有辛氏女

曰女志生伯禹

世本論衡禹母吞薏苡而生禹故姓曰姁

禹生均國均國生役采役采生修齡

山海經

啟有五子又有觀扈武王克商封其後東樓公于杞

大紀

鄧邨亦其後姁姓

商子姓

契母曰簡狄有娥氏之女也

契所出未詳以簡狄為帝嚳之妃者非是

至日祀高禘因孕而生契

古詩注

契封於商賜姓子氏

論衡契母吞燕卵而生契故殷姓曰子

至湯伐桀遂

有天下武王克商封紂子祿父以續殷祀祿父叛周誅

成王以微子代殷後國于宋

史記

殷民有六族條氏徐氏蕭氏索氏長勺氏尾勺氏

左傳

周姬姓

稷母有郤氏女曰姜原姜原踐巨人跡而生稷帝舜封
稷于郤別姓姬氏至文王為西伯武王遂有天下平王
東徙雒是為東周考王封其弟于河南是為西周桓公
惠公封其少子于鞏是為東周惠公

史記

大王之子為吳虞王季之子為虢文王之子魯衛管蔡
毛邲曹滕霍眡郤畢原雍酆郇武王之子晉邰應韓周
公之子凡將邢茅胙祭其同姓之國為隨滑息滎芮魏

駘岐隗楊耿密唐鮮虞

太皞風姓

宿任頤史須句風姓太皞之後

左傳

神農姜姓

蚩尤神農之裔

路史

黃帝既去蚩尤之凶遷其民善者于鄒屠之地惡者于

有比之鄉其先以地名族後分為鄒氏屠氏

拾遺記

共工亦炎帝之後姜姓

賈逵國語注

炎帝之妻赤水之子聽訖生炎居炎居生節並節並生
戲器戲器生祝融祝融生共工共工生術器共工又生
后土后土生噓鳴噓鳴生歲十有二

山海經 郭璞注
生十二子皆以歲

之名

后土在黃帝時為李

管子

在顓頊時與高辛爭王為高辛所滅

賈逵注

在周時紀向焦申呂采亦神農之後姜姓

左傳

防風漆姓

防風汪芒氏之君守封隅之山者也為漆姓

國語

鄆瞞是其後在夏為防風氏殷為汪芒氏

左傳

祝融姁姓己姓熊姓

檜偁陽鄔路姁姓昆吾蘇顧溫董己姓楚羅夔熊姓並

祝融之後

國語

董父以豢龍事舜為豳夷氏

左傳

昆吾當夏衰遷于舊許為楚之先

韋昭注

陸終彭姓禿姓

大彭豕韋諸稽彭姓陸終之後舟人禿姓彭祖之別封

也國語

皋陶嬴姓

秦蓼六梁黃徐嬴姓皋陶之後左傳

奚仲任姓

摯疇任姓奚仲仲虺之後大任之家韋昭注

氏羗乞姓

伯夸父郭璞注顓頊師

生西岳西岳生先龍先龍生氏羗氏羗

乞姓

山海經

赤狄隗姓陸渾允姓

左傳

周諸氏

尹氏

尹吉甫周內史其後為尹氏尹氏事襄王為卿士城濮之戰王命尹士命晉侯為侯伯簡王時有尹武公會諸侯伐鄭同盟于柯陵敬王時有尹文公圍尹辛尹固並子朝之黨晉遂子朝尹固及子朝奔楚已而固復還周

周殺固固之復也有婦人遇之周郊尤之曰處則勸人
為禍行則數日而反是夫也其過三歲乎景王時有尹
言多儋括欲立王子佞夫言多殺佞夫

左傳

周氏

周公姬姓食采于周

杜預注扶風雍縣東北有周城

故亦曰周公世為

周卿士桓王時有周公黑肩欲弑王而立王子克王殺
黑肩惠王時有周公忌父大叔帶之難狄伐周獲忌父
襄王時有周公閱與王孫蘇爭政簡王時有周公楚與

伯與爭政惠襄時又有周公孔是為宰孔襄王使宰孔

賜齊侯胙

左傳

召公

召氏世為周卿士

按文四年召昭公來會莖杜預注召采地伯爵不明
其為燕後而惠王以下燕自有侯以世相傳則此召
氏非穆公嫡胤留相周室矣或其支庶別封于召如
周公黑肩之比

惠王時有召伯廖王使廖賜齊侯命襄王時有召武公
過王使過賜晉侯命又有召昭公魯成風薨王使召昭
公會莖定簡王時有召桓公定王使公逆王后于齊簡
王使桓公賜魯侯命又有召戴公與王孫蘇爭政王孫
蘇殺之立其子召襄敬王時有召莊公與吳子簡公盈
並黨王子朝莊公與卒晉師納王盈乃逐子朝逆王于
尸旣而周殺盈

左傳

蘇氏

蘇忽生蘇公也周克商蘇忽生以溫為司寇與檀伯達

俱封于河

左傳

其後為蘇成公幽王時暴公為卿士而譖蘇公蘇公作

何人斯以絕之

詩序

世本暴辛公作塤蘇成公作箎古史考古有塤箎二

公特善其事耳

桓王時蘇氏為大夫王奪其溫原絺樊隰郕攢茅向盟

州陘隕懷十二邑以與鄭

杜預注

及莊王崩蘇氏及五大夫奉子頹以伐忠王不克出奔
溫奉子頹奔衛衛師燕師立子頹子頹敗蘇氏即狄又
不能于狄狄人伐之王不救滅溫蘇子奔衛後有蘇子
復事頃王為卿士頃王五年蘇子及魯盟于女栗

左傳

毛氏

毛氏毛叔鄭之後有毛伯毛伯衛毛伯過毛伯得

左傳
詳

地理
志

原氏

原氏武王之弟封于原其後有原莊公原伯原伯貫原

襄公原伯絞及弟跪尋又有原伯魯

左傳詳地理志

單氏

單伯封于單周之親族

韋昭注

世為卿士莊王時有單伯王將嫁女于齊命魯為主使
單伯送王姬于魯宋萬弑閔公單伯會伐宋頃王時又
有單伯為魯請子叔姬于齊定王時有單襄公朝聘于
陳簡王時會伐鄭同盟于柯陵襄公子頃公頃公子靖

公靖公子獻公襄頃之族殺獻公立其弟成公靖公之
曾孫曰單穆公旗敬王時穆公定子期之難穆公子武
公武公定儋翩之亂又有單平公單愆期

左傳

劉氏

劉康公定王母弟

公羊傳

定王時康公聘于魯靈王時有劉定公夏景王時有劉
獻公摯獻公子文公狄敬王時文公定子朝之難楚納
子朝文公會諸侯于召陵謀伐楚文公子桓公桓公定

僭翩之亂

左傳

魯諸氏

展氏

無駭者公子展孫也無駭卒隱公命以字為展氏其後有夷伯展禽展喜襄公時有展莊叔展瑕展玉父齊慶封來奔獻車于季孫宿美澤可以鑑展莊叔見之曰車甚澤人必瘁宜其亡也晉士鞅來聘公享之展莊叔執幣射者三耦公臣不足取于家臣展瑕展玉父為一耦

公臣公巫召伯仲顏莊叔為一耦鄆鼓父黨叔為一耦
左傳

臧氏

公子彊者孝公子臧僖伯也僖伯生臧孫達是為哀伯
哀伯生伯氏瓶瓶生文仲辰生宣叔許許娶于鑄生
臧賈臧為繼室以其姪生武仲紇紇奔齊臧賈使為以
納請為遂自為請為竟嗣臧氏為生昭伯叔孫為有從
弟會昭伯從昭公孫于齊會嗣臧氏會生賓如賓如生

石左傳

厚氏

惠伯革者孝公子也其後為厚氏

世本

是為厚成瘠瘠事襄公瘠之後為后木后木嘗曰喪吾

言斲棺當

聞諸縣子曰夫喪不可不深長思也買棺外內易

使外內我死則亦然

記檀弓

施氏

施父者惠公子也施父生施伯勸莊公殺管仲以屍授

齊者

左傳後
系無攷

三桓

仲孫氏

子服氏附

公子慶父桓公子是為共仲仲孫氏之始也又曰孟氏
慶父生孟穆伯教教生文伯穀惠叔難穀生獻子蔑蔑
生莊子速及子服它速生孺子秩孝伯羯羯後為僖子
釁釁或是羯
子注未詳釁生懿子何忌南宮敬叔說何忌生武伯
甌甌生敬子捷它別為子服氏它生惠伯湫湫生昭伯
回回生景伯何又有孟之側字反亦孟氏族齊伐我武

伯彘帥左師冉求帥右師及齊師戰于郊左師入齊軍
右師奔孟之反後入以為殿抽矢策其馬曰馬不進也
林不狃之伍曰走乎不狃曰誰不如曰然則止乎曰惡
賢徐步而死不狃魯士也

左傳

叔孫氏

叔仲氏附

叔牙慶父同母弟是為僖叔叔孫氏之始也牙生戴伯
茲茲生莊叔得臣及惠伯叔仲彭生得臣生宣伯僑如
穆叔豹豹生孟丙仲壬及昭子姁姁生成子不敢不敢

生武叔州仇州仇生文子舒及叔孫輒輒無寵故因陽
虎欲去三桓叔仲彭生別為叔仲氏彭生之孫為昭伯
叔仲帶帶之子穆子小帶之孫叔仲志志亦因陽虎欲

去三桓

左傳

季孫氏

公鉏氏附

季友桓公少子是為成季季孫氏之始也友生文子行

父行父生武子宿宿生公彌及悼子紇紇生平子意如

及公父穆伯

名未詳

意如生桓子斯斯生康子肥肥曾孫

為昭子強公彌字公鉏別為公鉏氏公彌曾孫為公鉏
極欲因陽虎以去三桓公父穆伯子為文伯歎季氏之
族又有季公治意如之庶叔父曰季公亥公亥兄曰公
鳥公亥謀去季氏意如之弟曰公甫公之季孫斯之弟
曰季寤寤亦因陽虎欲去三桓

左傳

子叔氏

叔矜文公子宣公母弟子叔氏之始也矜生聲伯嬰齊
嬰齊生齊子老

韋昭注榮駕
鳥亦聲伯子

老生敬子弓弓生輒及鞅

又有叔詣

系未詳

昭公時會于黃父謀定王室

詣于昭公二十九年

四月卒書卒書日蓋亦魯卿也

又有叔還叔弓曾孫定公時如鄭泣盟

哀公時如齊莒景公會吳于柵還子青敬王崩青如京

師又如越

左傳

郈氏

郈敬伯同郈惠伯之玄孫

系未詳

同之後有郈昭伯

左傳

又有郈成子郈成子為魯聘于晉過衛右宰穀臣止而觴之陳樂而不樂酒酣而送之以璧顧反過而弗辭其

僕曰昴者右宰穀臣之觴吾子也甚懼今侯渫過而弗
辭邱成子曰夫止而觴我與我懼也陳樂而不樂告我
憂也酒酣而送我以璧寄之我也由是觀之衛其有亂
乎倍衛三十里聞甯喜之難作右宰穀臣死之還車而
臨三舉而歸至使人迎其妻子隔宅而異之分祿而食
之其子長而反其璧

呂氏
春秋

仲氏

公子遂是為襄仲居東門故曰東門氏公孫敖之從父

昆弟也遂生公孫歸父及仲嬰齊文公薨遂弑子惡及
視而立宣公宣公薨季孫行父遂歸父使仲嬰齊紹其
後為仲氏

左傳

晉諸氏

狐氏

狐突晉同姓唐叔之後突生狐毛狐偃毛生漆為溫大
夫偃生射姑其族又有狄鞠居以殺陽處父晉殺鞠居
射姑奔狄又有狐父為大夫楚圍蔡使狐父請蔡于楚

左傳

樂氏

樂賓靖侯之孫也賓生成是為樂共叔成生貞子枝枝
生盾盾生武子書書生桓子廩及弟鍼廩生懷子盈平
公時士臼克盈于曲沃樂樂死樂魴奔宋樂魴並
樂氏族盡滅
樂氏又有樂京盧樂弗忌樂斜並樂氏族左傳

先氏

先友先丹木晉舊姓也友丹木並為戎右其後有先軫

軫生蒲城伯且居且居生克其族先都殺克晉殺都克
之後有先穀邲之戰穀敗晉師又召狄伐晉晉殺穀盡
滅其族又有先蔑字士伯文公作三行以禦狄荀林父
將中行屠擊將右行蔑將左行及襄公薨趙盾使蔑逆
公子雍于秦已而立靈公蔑奔秦襄公時又有先僕楚
師圍江僕伐楚以救之又有先辛為胥甲父屬大夫晉
放胥甲父辛奔齊

左傳

郤氏

郤豹亦舊姓也豹生芮是為冀芮芮與郤稱郤乞並為公子夷吾臣稱乞並郤氏族也芮生成子缺缺生獻子克克生錡錡與郤犇郤至是為三郤郤犇步揚之子克之從父兄弟郤至步揚之孫蒲城讎居之子並事厲公胥童殺三郤郤氏遂滅步揚嘗御戎與秦戰于韓又有步招董陰之役御戎以敗秦師又有步毅郤至之弟麻隧鄆陵之役禦戎以敗秦楚師又有郤穀郤溱溱至之兄襄公時郤穀將中軍溱佐之城濮之役溱敗楚師

左傳

范氏

士為劉累之後杜伯之孫隰叔之子周殺杜伯隰叔違
周難遂居晉生為為生穀穀殺先克晉殺穀為之孫為
士會初封隨又受范遂氏范是為范武子會生文子燮
及彘恭子魴魴生裘魴當將新軍魴卒裘幼故不得立
燮生宣子勾勾生獻子鞅鞅生昭子吉射定公時吉射
與荀寅奔齊范皋夷者范氏側室之子謀逐吉射而代
之及趙鞅圍朝歌殺皋夷又有士鮒是為析城鮒晉圍

朝歌鮒以狄師襲晉不克奔周范氏遂亡范氏之族別

有士伯穆子

系未詳

穆子生貞子渥濁渥生莊子弱弱

生文伯句

與范宣子同族同名

句生景伯彌牟又有范無恤者河

曲之役無恤禦戎又有士富者亦曰范獻子范文子燮

之族昆弟悼公時為候奄

左傳

中行氏

荀息後為荀林父

世本晉大夫逝遯生林父

文公作三行林父將中

行遂氏中行氏是為中行桓子林父生中行伯唐庚生

獻子偃偃生穆子吳吳生文子寅定公遂寅與士吉射

寅吉射奔齊中行氏遂不嗣

左傳

知氏

荀首字知季遂以為氏林父之弟知莊子也

世本知氏與荀氏同

祖逝

首生武子瑩瑩生朔及悼子盈

世本瑩生朔朔生盈

盈生文

子躒躒生宣子甲甲生宵及襄子瑤瑤與韓魏伐趙三

家反攻瑤殺瑤滅其族其族有知果知伯國者諫瑤瑤不聽知果更其姓為輔氏知氏滅惟輔氏存其族又有

荀騅鞏之役騅有功景公作六軍賞其功使騅為卿騅

之曾孫曰程鄭

韋昭注程季之子也程季或即程滑

為晉大夫悼公即位

鄭為乘馬御六駟屬焉使訓羣駟知禮

國語知程鄭端而不淫好諫不

隱使為贊僕

悼公薨平公嬖之使佐下軍鄭公孫揮來聘鄭

問降階何由

問自降下之道

揮不能對而識者知其將死鄭果

卒

左傳

又有荀賓荀家荀會

國語會作檜

悼公即位知荀賓之有力

而不暴也使為戎右欒叔請公族大夫公曰荀家惇惠

荀會文敏鷹也

即樂桓子

果敢無忌

即公族穆子

鎮靖使茲四人

者為之夫膏梁之性難正也使惇惠者教之則偏而不
倦文敏者道之則婉而入果敢者諗之則過不隱鎮靖
者修之則壹使茲四人者為公族大夫

國語

又有知起中行喜者為晉大夫黨樂氏士句逐樂盈知
起中行喜皆奔齊又有知徐吾者知悼子盈之孫也魏
戌為政以其為餘子不失職而能守業使為塗水大夫

左傳

祁氏

祁奚食邑于祁因以為氏高梁伯之子

高梁伯
系未詳

奚生午

午生盈盈討家臣祁勝鄔臧公殺盈遂滅祁氏祁氏之

先有祁舉者為大夫黨于里丕謀出患公納重耳卻芮

殺舉又有祁瞞事文公城濮之戰瞞于命中軍風于澤

牛馬相風而
走皆失之

亡大祁之左旃司馬殺之以徇于諸侯

左傳

羊舌氏

羊舌大夫

召未詳

事獻公為軍尉羊舌大夫生職職生赤

及盼及鮒及虎亦是為銅鞮伯華亦生子容盼字叔向
食邑于揚又曰揚盼盼生揚石又曰揚食我食我黨藥
盈平公殺食我遂滅羊舌氏鮒以賄死虎亦以黨藥盈
死

左傳

胥氏

胥臣臼季為司空又曰司空季子臼季生甲父甲父生
克克生童童殺三郤晉殺童胥氏不嗣又有胥嬰者文
公蒐于清原作五軍使嬰將下軍又有胥梁帶為大夫

執齊烏餘胥午守曲沃大夫以曲沃納欒盈

左傳

籍氏

籍偃籍季之子也其八世祖孫伯廩為晉正卿司晉之典籍故曰籍氏偃生談談生秦秦黨范氏晉逐范中行氏秦從范氏出奔既而獲之籍氏不嗣

左傳

按韋昭注伯宗孫伯糾之子然則孫伯糾或亦孫伯廩之同族與則伯宗亦為籍氏

箕氏

箕鄭父為文公新上軍佐靈公立鄭父殺先克晉殺鄭
父頃公時有箕遺子朝出悼王晉平周亂使遺取前城
左傳

右行氏

右行辛者晉大夫將右行因以為氏

韋昭注晉大夫賈辛也 按晉頃公時有賈辛定子
朝之亂距此五十餘年魏舒舉以為祁大夫知非右
行辛也又公當作三行以禦狄屠擊將右行辛其屠

氏之後歟韋氏之說莫知所本

悼公即位知辛能以數宣物定功也使為司空

國語

頃公時有右行詭者為大夫子朝出悼王我平周亂籍
談荀躒賈辛司馬督帥師軍于陰于侯氏于谿泉次于

社詭及箕遺樂徵濟師取前城

左傳

董氏

董因周太史辛有之後因之後為董狐為晉大史又有
董伯董叔並事平公平公有疾夢黃能鄭公孫儵教之

祀繇遂祀夏郊以董伯為尸

國語 韋昭注神不歆非類董伯其似姓乎

董叔取士甸女者又有董安于者為趙鞅家臣

左傳

按董氏為辛有之後晉有辛廖或亦其族與

尚史卷一百五